

1.03 TUS VAJNTXWV UAS TAU YUG LOS

Lukas 2:1 – 20

Muaj ib tug nkaujxbw npe hu ua Malis, tus uas tau Vajtswv koob hmoov. Vajtswv pom tias nws lub siab hlub thiab koj raws li Vajtswv qhia. Vajtswv thiaj xaiv nws los ua tes haujlwm uas muaj nuj nqis. Vajtswv thiaj li txib tus timtswv npe hu ua Khali-ees los xa xov rau nws. Muaj ib hnuv Malis tabtom ua haujlwm, ua ciav nws tsa muag saib txawm pom ib qhov ci kaj nrig tuaj thiab hais rau Malis hais tias koj txhob ntshai, “Vajtswv twb foom koob hmoov rau koj lawm,” “Koj yuav xeeb tub thiab yug ib tug metub, Nws yog Vajtswv tibleeg tub, koj yuav hu Nws lub npe tias Yexus, txhais tias Cawmseej. Nws yuav yog tus uas Vajtswv tau coglus tseg hais tias yuav los cawm tibneeg kom dim kev txhaum.

Malis nyuaj siab kawg thiab tsis totaub hais tias yog li cas. Tiamsis, los ntawm lub siab nco txiaj ntsig, Malis hais tias, “Kuv yog Vajtswv tus ntxhais qhev, thov kom muaj raws li koj hais!” Thiab ntseeg hais tias cuaj lub hlis xwb ces twb yuav txog caij yug.

Lub sijhawm ntawd Yauxej thiab Malis tab tom taugkev mus rau hauv lub nroog Npelehees, txoj kev deb and nyuaj heev. Malis suab zeeg ib plab menyuum thiab caij nees mus tsheej hnuv ke yeej tsis yooj yim kiag li. Thaum mus txog nkawd thiaj nrhiav ib lub tsev so, tiamsis tsis seem ib chav tsev so nyob qhov twg rau nkawd li. Muaj ib tus tswv tsev qhuas hais rau nkawd hais tias yog nkawd tsis xyeej ces tshuav lub nyuag nkuaj tsiaj. Ntawd yog lub chaw uas qias heev, tsw heev rau qhov muaj tsiaj nyob pawglug, ces hmo ntawv txawm cia yog Tswv Yexus. Nyob rau hauv nkuaj tsiaj, tsis muaj txaj pw lossis chaw tso menyuum li, tsuas pom tib lub dab zaub pub tsiaj xwb. Malis thiaj lam muab khaubncaws qhwv tus menyuum thiab muab tso pw hauv lub dab zaub ntawd.

Nyob rau thaj tsam ntawd muaj ib cov neeg yug yaj, lawv mus pw zov lawv yaj tom teb. Ua ciav lawv txawm pom pem ntuj ci nplag tuaj rau lawv, thiab pom ib pab timtswv nyob saum ntuj pib hu nkauj qhuas Tswv Yexus, tus Vajntxwv uas nyuam qhuav los yug. Tom qab ntawd muaj ib tug timtswv hais rau cov lawv hais tias, nej cia li mus nrhiav tus menyuum mos liab uas pw hauv lub dab zaub! Yog li ntawd lawv thiaj li ceev nrooj mus nrhiav thiab pom tus Menyuum Mosliab Yexus, lawv txhos caug pe thiab hawm. Thaum cov yug yam taug kev rov qab, lawv thij li qhia rau txhua tus paub txog Txojmoo Zoo ntawd.

Tib lub sijhawm ntawd, nyob rau sab hnubtuaj, muaj cov neeg uas txawj saib hnuvqub pom ib lub hnuv qub tshwm saum nruab ntug, ua rau lawv paub hais tias Vajntxwv los yug lawm. Lawv thiaj npaj taug kev tuaj mus hla tiaj suabpuam, nce toj nqig taug. Lawv tau npaj tej pob khoom tuaj fij rau tus menyuum Vaj tibi. – tej yam khoom muaj nqis ntawd qhia tau hais tias lawv muaj lub siab txhawb nqa Tswv Yexus. Tej khoom uas yog kub, tshuaj thiab roj tsw qab. Thaum lawv tuaj txog hauv lub nroog Yeluxalees, lawv mus nug vajntxwv Helauj thiab xav thov kom vajntxwv qhia kev rau lawv. Tiamsis qhov ntawd ua rau vajntxwv npau heev. Vajntxwv Helauj tsis xav cia ib tug twg los txeeb nws lub meejmom. Nws thiaj npaj siab yuav mus tua tus menyuum Vaj tshiab, vim li ntawd nws thiaj hais rau lawv hais tias nej kavtsij mus nrhiav kom tau, yog nrhiav tau lawm rov qab los qhia kuv paub es kuv yuav mus pehawm nws thiab. Tiamsis Vajtswv twb txib ib tug timtswv los qhia rau cov neeg txawj saib hnuvqub paub hais tias komlawm cia li nrhiav lwm txoj txojkev rov qab mus tsev.

Yauhas 3:16 “Ntawm no yog qhov uas Vajtswv hlub neeg ntiajteb kawg li: Nws txib nws tib leegtub los, kom tus uas ntseeg nws Leejtub ntawd tsis tuag tiamsis tau txojtia ib txhis”

1.03 TUS VAJNTXWV UAS TAU YUG LOS – RAU TUS QHIA

Lukas 2:1 – 20

Tej tseem ntsiab lus:

1. Muaj ib tug ntshais npe hu ua Malis. Nws hluv Vajtswv thiab koj txhua yam raws li Vajtswv txoj kevcai. Vajtswv thiab li xaiv nws ua ib tes haujlwm tseem ceeb heev rau Vajtswv.
2. Muaj ib tug timtswv los cuag Malis thiab hais tias koj yuav xeeb ib tug metub. Tus metub ntawd yog Vajtswv Tibleeg Tub. Thiab “Koj yuav tsum tis nws lub npe hu ua Yexus,” “txhais hais tias tus Cawmseej.”
3. Malis tsis totaub txhua yam tabtom tshwmsim, tiamsis nws teb, “Kuv yog Vajtswv tus ntshais qhev. Kuv yuav ua txhua yam uas Vajtswv xav kom kuv ua.”
4. Malis thiab Yauxej yuav tsum mus nram lub nroog Npelehees. Nkawd cheem tsum ib lub chaw so, tiamsis txhua lub tsev so puavleej tsis seem ib qho chaw rau nkawd so. Twb yog vim li ntawd, nkawd thiab li mus so rau hauv lub nkuaj tsiaj. Tswv Yexus thiab los yug rau hmo ntawd. Malis thiab muab tso rau hauv lub dabzaub pub tsiaj.
5. Muaj ob peb tus tub yug yaj nyob tid cov hauv roob, tabtom zov lawv pab yaj. Muaj ib tug timtswv los cuag lawv, kom lawv mus nrhiav tus metub. Lawv txhos caug pehawm Tswv Yexus.
6. Muaj ib lub tebchaws nyob tsis deb ntawd, muaj ob peb tus neeg taug hnuv qub lawv pom lub hnuv qub tshwm saum nruab ntug thiab lawv paub tias ntawd yog muaj ib tug Vajntxwv yug los lawm. Vajntxwv Helauj kom lawv mus nrhiav tau ces rov qab los qhia rau nws paub. Tiamsis timtswv qhia rau lawv nruab npau suav tias Vajntxwv Helauj xav muab Tswv Yexus tua. Tom qab uas lawv nrhiav tau Tswv Yexus lawm, lawv mus dua lwm txojkev rov qab mus tsev lawm.

LUS NUG:

- 1) Leejtwg yog tus raug xaiv ua Vajtswv tes haujlwm tseem ceeb?
- 2) Tus timtswv hais li cas rau Malis?
- 3) Malis thiab Yauxej mus nram lub nroog twg?
- 4) Tswv Yexus yug rau qhov twg?
- 5) Nyob tsis deb qhov ntawd, timtswv los xa xov rau leejtwg?
- 6) Yog ua cas vajntxwv Helauj kom cov neeg taug hnuv qub yuav tsum rov qab los qhia rau nws paub Tswv Yexus nyob twg?

LUS TEB:

- 1) Tus ntshais npe hu ua Malis, yog raug xaiv los ua tes haujlwm tseem ceeb rau Vajtswv.
- 2) Tus timtswv hais rau Malis tias nws yuav xeeb ib tug metub. Tus metub ntawd yog Vajtswv Tib Leegtub thiab Malis yuav muab tis npe hu ua Yexus.
- 3) Malis thiab Yauxej yuav tsum mus nram lub nroog Npelehees.
- 4) Tswv Yexus yug los rau hauv ib lub nkuaj tsiaj, hauv ntawd yog lub nkuaj luag yug tsiaj txhu.
- 5) Timtswv hais rau cov yug yaj, kom lawv mus nrhiav tus metub uas nyuam qhuav yug los.
- 6) Vajntxwv Helauj xav muab Tswv Yexus tua.